



DEO OPTIMO MAX.  
UNI ET TRINO.

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS  
*manè discutienda, in Scholis Medicorum, die Jovis 26. Novembris*  
M. DCC. XXXIX.

M. CAROLO DIONIS,  
Doctore Medico, Præside.

*An Paralyſi affectis Sudores promovendi?*

I.



ONVULSIO & Paralyſis omnia nervorum pa-  
thymata comitantur: illâ contenduntur nervi ſummo  
cum doloris cruciatu, hæc relaxantur citra ullum do-  
loris ſenſum: adverſi omnino hi duo affectus cohe-  
rent quandoque, unâque exiſtunt: hujus ut & illius  
cauſa multiplex; atque illa eſt morbus, ſimilaris  
organicus communis. Paralyſim ſæpius parit obſtructio familiaris  
nervis, utpotè quibus laxior eſt ſubſtantia, cerebro affinis. Cum

A

2

nervi humore infarciuntur calido, frigidove; tenui, vel crasso, non admittunt animale spiritum, quo uno vigent; unde languent illi, quin & torpent eæ partes, in quas distribuuntur, ut nec movere nec moveri queant, quandoque etiam sentire non possint.

I I.

**H**UMOR paralyfis parens, è cerebro, non-nunquam è visceribus, plerumque è venis, ortum habet. Cerebrum tenuioris & serosi humoris fons est uberrimus; is excurrrens per varias corporis partes, innumeros morbos, eosque graves procreat, convulsionem, paralyfim, asthma, febrem, hienteriam, arthritidem: non leviores morbos profert in ventriculis cerebri consistens; hos enim si intercludat, oboriuntur Apoplexia & Epilepsia, graves adeo affectus, ut ægros pessumdent. An non illa, paralyfis censenda? Quidni? cùm motum unaque sensum omninò adimat, adeoque corpus univèrsum resolvat, ut talis sit in universo corpore Apoplexia, qualis est in dimidio *ἡμιπληξία*, in singulis partibus *παρὰπληξία*? Mesenterium viscerum quasi sentina est; grave illud excrementis, deponit quandoque onus in lumborum nervos, unde incidit Paralyfis, quam ferè anteccedunt diri ventris cruciatus, colici doloris æmuli: ut & hi vicissim Paralyfim consequuntur, bilis quasi æstu reciproco. Venæ adjacent nervis, ut si quando illæ impuro turgeant sanguine, quasi nauscabundæ in propinquos nervos eum evomant. Sua quoque nervi impertiunt venis vitia; convulsio solvitur liberali urinâ, ita ut facilis sit venarum & nervorum sympathia.

II.

**G**UAIA CUM, sassafras & alia innumera quæ perhibentur sudorifica, calore excellunt, & tenuitate partium polent singulari; adeoque colliquandi vim obtinent, ita ut coagulæ vice fungantur, cujus vi crassior lactis pars coalescit in caseum, tenuis & serosa effluit: fundunt siquidem sanguinem solvuntque in serum, & quod in sanguine crassum est, ita cogunt & densant, ut illa non sint alia ab ureticis: sanè sudoris & urinæ eadem materia, idem generationis modus. An ut uretica uberem seri copiam progignunt, urinam verò non cient: sic quæ habentur Idrotica, sudori duntaxat materiam abundè suppeditant, sudorem non movent? Guaiaci quidem liberali etiam potu, sudor nunquam prodiret, ni ille vaporariis & corporis operimentis provocaretur. Atque ut uretica tephaceis concretionibus, (quæ sunt in

renibus & vesicâ) diluendis nocent plurimum: Sic Idrotica illa vulgaria, eo quo præstant calore, solvendis obstructionibus omnino adversantur.

#### I V.

VIM habent promovendi sudoris quæ foris summum corporis habitum calefaciunt, unaque cutem solvunt & relaxant, putâ è calidâ foris, foculi in lectum stragulis munitissimum, & arte arcuatum immissi. At his non est sudor temerè ciendus: hic exolvit vires, exhaurit corpora, nec enim sudore erumpit duntaxat serum superfluum, prodit unâ succus alimentarius, non nihil etiam substantiæ solidarum partium effluit: languida sudore natura, morbi curationem suscipere, aut susceptam absolvere nequit, ut longo tempore morbus moretur, vel breviori sit rediturus: sapius noxii humoris nihil exprimitur, accenduntur duntaxat spiritus, inflammantur humores, & concitantur, unde febres, catarrhi moventur. Sudori longè præstat ἐπίδρωσις & ea quidem in ischiade, πνευματική cæterisque partium affectibus ἀσθενείας tentenda, ut sine virium dispendio & corporis perturbatione, vel sensum exudet inutilis humor, vel sine sensu expiret.

#### V.

FACILI negotio curatur Paralysis, si maturè, opportunè, nec aliena adhibeantur remedia. Ergo parte recens resolutâ, vix dum insidente nervis humore, institutâ victus ratione quæ contemperet, quàm primùm corpus exhauriendum est clystere frequenti, detractione sanguinis aliquot intervallis repetitâ, purgatione crebrâ, sed blandâ: hac arte æstu humoris composito, tempestivè obstructio referabitur cephradicis, eccatharticis, quibus qui nervum occupat humor, inhalitum solutus expirabit: demum expeditus nervus firmabitur adstringentibus quibus minimum caloris insit. ἐκπεριέχουσιν molientur, & humoris qui obstructiōnem continet, juvabunt excretionem, medicamenta cùm foris admovenda, tum intus sumenda, quæ temperato calore prædita tenuiorem sunt sortita consistentiam. Expiratio procurabitur resolutæ partis fori, motu, frictionibus, quæ & ad robur parti conciliandum longè præstant balsamo etiam Peruviano. Nervalia vulgò dicta calidiora, Theriaca, Mithridatium, Aqua-vini stillatitia, Uretica, Idrotica præciquè Chymica, verè fuforia, & col-

liquantia, aliena sunt, & Paralyſis<sup>4</sup> curationi adeo adverſa, ut illam  
contumaciorem ( ne dicam incurabilem ) efficiant.

*Ergo Paralyſi affectis ſudores non promovendi.*

## DOMINI DOCTORES DISPUTATURI,

*M. Guillelmus - Hieronimus  
de Lepine.*

*M. Ludovicus - Hieronimus  
Cofnier, Pharmacia Pro-  
feſſor.*

*M. Nicolaus le Roy de Saint  
Aignan.*

*M. David Vaſſe.*

*M. Claudius du Cerf.*

*M. Benignus Winſlow, Regia  
Scientiarum Academia So-  
cietatiſque Regia Beroli-  
nenſis Socius, Teutonice  
Linguae Regius Interpres.*

*M. Ludovicus - Joannes le  
Thieuillier Regis Conſilia-  
rius, & in Majori Conſilio  
Medicus ordinarius.*

*M. Andreas Joannes Seron.*

*M. Antonius Pepin Regis Con-  
ſiliarius, & in Portu Breſ-  
renſi Medicus Primarius.*

Proponebat Pariſiſis, LEANDER PEAGET, Pariſinus,  
Baccalaureus Medicus, A. R. S. H. 1739.  
à ſextâ ad meridiem.